

Benny Nisbet di PPA ta adverti:

Mester tene cuidao di bende 70% di accion di Air Aruba

ORANJESTAD(AAN) -- Benny Nisbet di PPA ta haya cu mester ta cuidadoso den tuma e decision final pa cu benta di 70 % di accion di Air Aruba.

Nisbet a muestra cu aparentemente e proceso pa re-privatiza Air Aruba ta yegando su final. E comision encarga cu e tarea aki lo a duna gobierno un proposicion y ta informando Parlamento di esaki durante e dianan aki. Segun Nisbet, PPA ta contento cu en todo caso e comision a haci su trabao y a duna un proposicion pa discuti, pero PPA tin algun preocupacion serio encuanto e proposicion.

PAGA TINO

Nisbet ta haya cu mester ta cuidadoso cu e "substantial ownership and effective control". El a splica cu e hecho cu ta 70 % di accion di Air Aruba lo bende na un compania Venezolano, ta haci cu Aruba (gobierno) ta keda cu apenas 30 % di accion. Cu otro palabra Aruba ni companianan ni ciudadania no ta keda cu e mayoria di accion esta "substantial ownership" y tampoco cu e "effective control" di e compania Air Aruba.

Den aviacion esaki por trece cune cu den futuro cierto paisnan lo por nenga di permiti Air Aruba haci uso di e derechonan cu Aruba a haya den su negociacionnan riba tereno di aviacion cu difer-

ente pais. Nisbet ta haya cu aki Aruba ta bay tuma un riesgo cu den futuro nos por haya nos den un crisis/confrontacion cu cualkier "partner" den negociacionnan bilateral.

META REAL DI E INVERSION AKI?

Nisbet a sigui bisa cu tur compania riba tereno comercial cu ta haci un inversion grandi y pues ta tuma un riesgo ta haci esaki cu un cierto meta esta progreso comercial esaki na tur momento.

Sin embargo Aruba su autoridadnan mester garantiza cu e interes Arubano ta garantiza na tur momento.

Nisbet a muestra como ehempel, imagina cu un vuelo ta cuminsa na Venezuela como ASERCA, esaki cu 100 pasahero destina pa Miami, por chempel diariamente ta pasa Aruba y na Aruba e vuelo pa Miami ta tuma lugar bao di number di Air Aruba pero na e momento ey ya tin 100 pasahero caba abordo. Esaki ta parece positivo pa e doño pero e cantidad di asiento disponibel pa sirbi interes nacional di Aruba esta turismo debidamente a bira menos. Turistanan cu ta na Aruba via di Air Aruba lo por tin menos espacio disponibel pa hiba nan. Mescos cu si mayan un vuelo ta sali for di Miami - Aruba, despues ta sali for di Aruba pa Venezuela of hasta pa Argentina of Chile. Si un vuelo asina tin un por-

centahe grandi ocupa destina pa Sur America anto lo por tin menos asiento disponibel pa Aruba.

Nisbet ta haya cu mester negocia esaki bon pa garantiza cu e interes di Aruba como destinacion turistico y e interes nacional di esaki ta garantiza tur momento.

El a muestra cu den un texto di e contract no ta laga lugar na duda. Di otro banda ta bon pa duna credito na e eventual formacion di un "hub" na Aruba den esaki, algo cu tabata un meta di Ministerio di Transportacion for di comienso di 1986 padilanti y cu tur gobierno y minister di transporte a para su tras.

GARANTIA PA TRAHADORNAN ARUBIANO

Na mes momento mester garantiza cu e trahadornan di Air Aruba lo no sali perhudica den ningun forma. Y cu ta personal Arubiano mester duna e servicio ariba e ruta di Aruba pa otro destinacion manera entre otro Merca.

Mester evita na tur momento cu poco poco pero sigur nos yiunan di tera ta desaparece of ta worde haci imposibel pa haya e trabao pa otronan eherce esaki.

Atrobe esaki lo por worde negocia, pero importante ta cu esaki lo mester ta cu palabracion "hopi cla" den un eventual contract.

Nisbet a señala cu algo cu no ta sinta PPA bon ta cu ta forza e decision aki cu e informacion cu gobierno no tin mas fondo disponibel pa Air Aruba.

PPA ta haya esaki un ponencia hopi imposibel pa kere. No mas cu algun siman pasa AVP y OLA a firma un documento di principio cu ta bisa lo siguiente: punto. no. 21: Gobierno lo continua cu e manejo di turismo dirigi riba atraccion, crecimiento, diversificacion di turismo di entrada halto cu lo contribui na un desaroyo duradero y sostenibel di e catalisador aki di nos economia. Den nos cuadro

di esaki gobierno lo percura, pa garantiza existencia di nos aerolinea nacional Air Aruba cu ta contribui substancialmente na e fluho di turistanan.

Con por ta cu un gobierno cual su fundeshi (declaracion di principio) ta bisa esey por tuma e posicion den apenas 10 dia di gobernacion cu lo no tin fondo pa Air Aruba?

PPA ta preocupa pa cu e benta di 70 % di accion, pa motibo di e principio den aviacion internacional di "substantial ownership and effective control" y su eventual consecucionan.

PPA ta kere cu si yega na un acuerdo real cu e compania aki toch cu e lo mester encera garantianan pa e capacidad di asiento destina pa Aruba su desaroyo turistico y a la vez pa nos trahadornan Arubiano nan envolvimento riba e compania Air Aruba.

Garantianan cu no ta laga lugar na duda y si nan no worde respeta mester tin consecuencia.

PPA ta rechaza pues cu ta tuma e decision final bao di e presion cu gobierno no tin placa mas pa Air Aruba. PPA no ta contra e proposicion aki pero PPA kier un decision bon y balanza na bienestar di interes Arubiano riba tereno di aviacion y turismo.



A.H.R.A.

Aruba Human Resource Association

Ta organiza un

WORKSHOP

- 1) The fundamentals of Human Resource Management.
By Drs. Greg Peterson.
- 2) The Strategy and Importance of Human Resource Management for any country.
By Dr. Peter Benzies (from The United Kingdom).

Lugar : La Cabana Conference Room
Fecha : July 4, 1998
Ora : 9:00 A.M. te 2:00 P.M.
Informacion : Petra de Molen – Tel. 867700
 Eileen Pennyfeather – Tel. 863600
 Angela de Cuba – Tel. 830005
 Toon Willemsen – Tel. 823207
Carchi : Cerca qualquier miembro di A.H.R.A.
 Afl. 75.- (no-miembro di A.H.R.A.)

MANCHEBO BEACH RESORT ARUBA

Bin biba emoshonnan di fantasia den familia

\$60.

Pa dia mas 12% Tax & Servicio

Prens di MUNDIAL

Activities & Guest Service
 Three Restaurants
 Freshwater pool
 Gift Shop & Dive Shop
 Welcome drink
 Casino Match Coupon
 Free chaise lounge & towels
 2 persons in room
 Extra person \$10.00
 Children under 12 years free
 Local residence only

Serca nos abo ta PROME !

Pa mas informashon :

Tel. (297) - 823444 of Fax (297) - 833667